



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 3.12.2015

Presidi: Peer-Puorger Victor
Partecipant/s: Mayer-Schlegel Armon
Molinaro-Andry Mario
Notegen-Melcher Men
Riatsch-Fedi Fadri
Protocol: Luzzi-Barblan Georg
Fabrica: Paulmichl-Rodigari Albin

tractandas	tema	respunsabel
163	012 Executiva Acconsentimaint protocol	tuots
164	020 Administraziun cumünala Preventiv 2016	vp/tuots
165	012 Executiva Orientaziuns	tuots
166	012 Executiva Varia (suprastanza cumünala)	tuots

012 Executiva

163 **Acconsentimaint protocol**

Il protocol dals 9.11.2015 vegn approvà.

Il capo infuorma ch'una grupp da lavur dal Bun Tschlin ha organisà una sairada d'orientaziun davart ün proget previs a Tschlin. Quist fat es tenor il capo ün agir inacceptabel. Cur cha la grupp dal Bun Tschlin ha preschantà a la suprastanza quist concept, aveva la suprastanza infuormà cler e net chi das-cha gnir infuormà als commembers dal Bun Tschlin ma sgüra na d'infuormar a tuot la populaziun sur d'ün proget chi'd es in üna prüma fasa d'evaluaziun e nō pront per preschantar al public. Implü vain pro cha'l patrun da fabrica es il cumün da Valsot.

Tenor la suprastanza cumünala sto gnir ouravant elavurà, sco discutà culla grupp dal Bun Tschlin, ün reglamaint co chi dess funcziunar il Bun Tschlin in avegnir (professionalisaziun, management, finanziaziun, commembranza eui.).

020 Administraziun cumünala

164 **Preventiv 2016**Quint curraint

La direcziun e la manadra da finanzas han elavurà il preventiv 2016. Nossas mainascoulas han elavurà la part scuola e'ls silviculturs han elavurà lur part forestala. Il capo repassa il quint curraint. Il quint prevezza entradas da fr. 11'063'300.00 e sortidas da fr. 9'728'200.00 resulta ün guadagn da fr. 1'335'100.00. La suprastanza cumünala dà l'acconsentimaint al quint curraint 2016 a man da la prosma radunanza cumünala.

Quint d'investiziuns

Il quint d'investiziun prevezza entradas da fr. 1'050'900.00 e sortidas da fr. 3'619'700.00. Seguaints progets plü gronds sun previs; sanaziun via Bügl Grond – Plaz a Vnà, sanaziun infrastruttura Stradella a Vnà, inchaschamaint funtanis Seraplana, sanaziun Alp Tea Sot a Tschlin, sanaziun da vias da god, investiziuns il rinch da maschinas forestal, üna halla da pumpiers a Ramosch cun inclus üna sala per societats, autos da pumpiers Muttler e per finir ün credit per il proget da meglioraziun Ramosch.

La suprastanza repassa il preventiv d'investiziun e da l'acconsentimaint a man da la radunanza cumünala dals 17.12.2015. Il capo ingrazcha a la manadra da finanzas per la lavur prestada.

012 Executiva

165 **Orientaziuns**

Il capo infuorma sur d'una sezzüda ch'el ha gnü cul uffizi da construcziun bassa per coordinar las lavurs dal traquet tanter la punt da la Branca fin Tschern.

Fadri Riatsch intimescha l'idea da sustgnair finanziar a privats chi mantegnan traquets a favur d'indigens e pel turissem. La suprastanza dess trattar quista chosa ad üna sezzüda da suprastanza.

Il chanzlist manzuna chi'd es gnü fat ün concept turistic, tal nu dess ir in invlidanza. La suprastanza dess plü bod o plü tard tour per mans ün o l'oter proget turistic.

La suprastanza cumünala piglia per finir cogniziun da la charta al departamaint d'educaziun, cultura ed ambiaint GR, a regard la revisiun per la protecziun dals biotops, elavurada dad Armon Mayer e Fadri Riatsch.

012 Executiva

166 **Varia (suprastanza cumünala)**

Ingünas remarchas.

7556 Ramosch, 07.12.2015



Il capo:

Il manader administraziun: